



Lugo, 22 de xuño de 2010. O domingo 27 de xuño, remataremos o [ciclo de roteiros 2009-2010](#)

de ADEGA-Lugo na Costa da Morte. A chegarémonos alí, como símbolo do final dos camiños que van na busca do Sol, e tamén por unha causa reivindicativa: a [defensa do río Xallas](#)

. Sairá un bus desde Lugo (fronte a Escola de Maxisterio) ás 8:00 horas, e dende Compostela (Pazo de Congresos, San Lázaro) ás 9:30 horas.

Este é o río con máis potencia hidroeléctrica instalada na bacía Galicia-Costa, aínda así, a día de hoxe atópase ameazado de morte polas pretensións económicas dunha empresa, Ferroatlántica, que pretende construír outras tres novas centrais nun treito do Xallas no que xa conta con 5 aproveitamentos e 4 encoros.

No obstante, a paisaxe e a natureza destes lares é espectacular, e teremos a oportunidade de observar algúns dos poucos **treitos de río virxes** que se conservan, e marabillarnos coa beleza da **Devesa de Anllares**, única por ser o bosque atlántico más occidental de Europa.

O inicio do roteiro terá lugar en **Ponte Olveira**. É xusto no límite entre os concellos de Mazaricos e Dumbría. De feito, o río Xallas é o límite natural entre ambos. Ademais, o inicio do roteiro corresponde cun punto de parada do Camiño de Santiago, polo cal se fará a maior parte da ruta. Tras visitar Ponte Olveira, seguiremos a ruta do Camiño de Santiago, pasando en todo momento pola marxe dereita do Río Xallas, correspondente ao concello de Dumbría (a marxe esquerda pertence a Mazaricos). Deixaremos atrás o lugar do Hospital, e finalizaremos en Xestosa, onde baixaremos pola beira do río ata a Devesa de Anllares, onde se ten previsto acometer as obras da terceira minicentral proxectada (a de Novo Castrelo). Volveremos ao lugar de Xestosa, e logo colaremos o bus para ir ao

mirador de Santa Uxía

, desde alí veremos o mar, o concello de Fisterra, o lugar do Ézaro, o Monte Pindo e a Fervenza do Xallas. As vistas son únicas, cheas de paz e harmonía, que sen dúbida son o remate perfecto deste roteiro reivindicativo na fin da terra.

O percorrido será de aproximadamente **15 quilómetros** á beira do Xallas, de dificultade media/baixa e trazado suave.

Imprescindible anotarse previamente no **679113718** (Mari Luz) ou **982240299** (ADEGA Lugo). Prégas
e puntualidade e o aviso previo no caso de non poder asistir.

SAÍDAS:

Lugo: fronte a Escola de Maxisterio (Av. Ramón Ferreiro), ás 8:00 horas. Compostela: diante do Pazo de Congresos (San Lázaro), ás 9.30 horas.

Prezos:

Normal.....	15 €	Estudantes, xubilad@s e
no paro.....	12 €	
Soci@s.....	10 €	
Ata 17 anos.....	5 €	